

(二) 六入虛妄	復次，阿難！云何六入本如來藏妙真如性？
----------	---------------------

1 眼入虛妄				
阿難！即彼目睛瞪發勞者，兼目與勞，同是菩提瞪發勞相。		因於明、暗二種妄塵，發見居中，吸此塵象，		名為見性。
此見離彼明、暗二塵，畢竟無體。				
如是，阿難！	當知是見：	①非明、暗來， ②非於根出， ③不於空生。	何以故？	①若從明來，暗即隨滅，應非見暗； ②若從暗來，明即隨滅，應無見明； ③若從根生，必無明、暗，如是見精，本無自性； ④若於空出，前矚塵象，歸當見根，又空自觀，何關汝入？
是故當知：眼入虛妄，			本非因緣，非自然性。	

2 耳入虛妄				
阿難！譬如有人：以兩手指急塞其耳，耳根勞故，頭中作聲，兼耳與勞，同是菩提瞪發勞相。		因於動、靜二種妄塵，發聞居中，吸此塵象，		名聽聞性。
此聞離彼動、靜二塵，畢竟無體。				
如是，阿難！	當知是聞：	①非動、靜來， ②非於根出， ③不於空生。	何以故？	①若從靜來，動即隨滅，應非聞動； ②若從動來，靜即隨滅，應無覺靜。 ③若從根生，必無動、靜，如是聞體，本無自性。 ④若於空出，有聞成性，即非虛空；又空自聞，何關汝入！
是故當知：耳入虛妄，			本非因緣，非自然性。	

3 鼻入虛妄				
阿難！譬如有人：急畜其鼻，畜久成勞，則於鼻中，聞有冷觸；因觸分別通塞、虛實，如是乃至諸香、臭氣，兼鼻與勞，同是菩提瞪發勞相。		因於通、塞二種妄塵，發聞居中，吸此塵象，		名嗅聞性。
此聞離彼通、塞二塵，畢竟無體。				
	當知是聞：	①非通、塞來， ②非於根出， ③不於空生。	何以故？	①若從通來，塞則聞滅，云何知塞？ ②如因塞有，通則無聞，云何發明香、臭等觸？ ③若從根生，必無通、塞；如是聞機，本無自性。 ④若從空出，是聞自當迴嗅汝鼻；空自有聞，何關汝入？
是故當知：鼻入虛妄，			本非因緣，非自然性。	

4 舌入虛妄				
阿難！譬如有人：以舌舐吻，熟舐令勞。其人若病，則有苦味；無病之人，微有甜觸。由甜與苦顯此舌根不動之時，淡性常在，兼舌與勞，同是菩提瞪發勞相。		因甜苦、淡二種妄塵，發知居中，吸此塵象，		名知味性。
此知味性，離彼甜、苦及淡二塵，畢竟無體。				
如是，阿難！	當知如是嘗苦淡知，	①非甜、苦來， ②非因淡有， ③又非根出， ④不於空生。	何以故？	①若甜、苦來，淡則知滅，云何知淡！ ②若從淡出，甜即知亡，復云何知甜、苦二相？ ③若從舌生，必無甜、淡及與苦塵，斯知味根，本無自性。 ④若從空出，虛空自味，非汝口知；又空自知，何關汝入！
是故當知：舌入虛妄，			本非因緣，非自然性。	

5 身入虛妄				
阿難！譬如有人：以一冷手觸於熱手，若冷勢多，熱者從冷；若熱功勝，冷者成熱。如是，以此合覺之觸顯於離知，涉勢若成，因於勞觸，兼身與勞，同是菩提瞪發勞相。		因於離、合二種妄塵，發覺居中，吸此塵象，		名知覺性。
此知覺體，離彼離合、違順二塵，畢竟無體。				
如是，阿難！	當知是覺：	①非離、合來， ②非違、順有， ③不於根出， ④又非空生。	何以故？	①若合時來，離當已滅，云何覺離？ ②違、順二相，亦復如是。 ③若從根出，必無離、合、違、順四相，則汝身知，元無自性。 ④必於空出，空自知覺，何關汝入？
是故當知：身入虛妄，			本非因緣，非自然性。	

6 意入虛妄				
阿難！譬如有人：勞倦則眠，睡熟便寤；覽塵斯憶，失憶為忘。是其顛倒：生、住、異、滅，吸習中歸，不相踰越，稱意知根，兼意與勞，同是菩提瞪發勞相。		因於生、滅二種妄塵，集知居中，吸撮內塵，見聞逆流，流不及地，		名覺知性。
此覺知性，離彼寤、寐生滅二塵，畢竟無體。				
如是，阿難！	當知如是覺知之根：	①非寤、寐來； ②非生、滅有； ③不於根出； ④亦非空生。	何以故？	①若從寤來，寐即隨滅，將何為寐？ ②必生時有，滅即同無，令誰受滅？ ③若從滅有，生即滅無，誰知生者？ ④若從根出，寤、寐二根，隨身開合，離斯二體，此覺知者，同於空華，畢竟無體。 ⑤若從空出，自是空知，何關汝入？
是故當知：意入虛妄，			本非因緣，非自然性。	